

陵

陽

集

二



陵陽先生集卷五

宋吳興牟 嘯著

七言律詩

次韻李千秋中秋節

節物詩情總索然
漫將梨栗當盤筵
堪憐永夜空尊月
記取衰翁斷酒年
十日尙留花影在
兩瓶便作竹根眠
分明破戒緣佳句
免使兒童誚禁烟

癸卯人日送李千秋還杭

喜聞罨畫初回棹
便擬共公吟過春
何事客鄉還送客
今朝人日更愁人
風吹杯面梅花老
路轉裙腰草色新
只恐西湖留不住
重來好爲話疲民

失題

篇章何事等嬉游尙想揮毫翦燭秋從古殺青徒自苦
只今醉墨可能求忽傳鷺立沙頭句又見鴻歸天外洲
襍研去來須猛省不由自己更誰由

歲在丙辰元日立春是時先人守當塗郡齋賓
客雲集皆用元祐八年東坡和王仲至秦少
游詩故事所謂省事天公厭雨回先人笑曰
天公省事今乃多事耶今三十九年矣追念
慷慨小詩聊記當時笑談之語

一昨姑溪歲丙辰老仙元日去班春當家句子頻催客
省事天公卻笑人紫鳳天涯今已老泥牛歲首又還新

笑談誰記當時語獨立東風倍愴神

和任東津山長

吳興學法徧諸華吾道元無邇與遐今日誰能留下馬
古人猶自酌先花肯開燕豆驚流俗共喜皋比得當家
入手新書惟重拜頡頏那得並飛霞

和汴教耶律伯明

翩然來自舊京華歷數山河不謂遐往事已空惟重黍
元談未了更澆茶南遊句好俄驚坐東道情深未憶家
也欲衛州門外去一聲長嘯入煙霞

新城羅氏棣華堂

中和偶向此枝聚友愛當知吾意同十世共居尤盛事

一家三代自春風試看華鄂相扶處正在閨門載翁中
昭諫而來名節偉更添新記與無窮

寄昌化孫梅泉

揮手秦稽信宿然未行俄已兩周天雲緘尺素歡開後
雪輓雙溪恐墮前高誼誰能似孫宰舊題應復記蘇仙
何時布襪青鞵去摘野芎苗古寺邊

文性之惠蛤蜊綠橘

二珍胥會到柴關詩爲高情趁早還海上便如逢若士
橘中應不減商山可人風味知渠雋老我形容有許頑
快擊黃包烹紫殼爲君呼酒一開顏

送李雲在學錄

橫經之暇卽吟詩三載如常匪激隨聽雨不知官獨冷
看雲自與意俱遲翬飛鬣宇生新敬鵠立儒衣動去思
還恐西湖難久滯此聲梁楚已先馳

次韻九日寄史推

弁有山兮水有湄登臨舍此復何之髮疏帽脫狂朝後
雁過江涵感慨時盛府主賓俱好事滿城風雨苦吟詩
人生自可行樂耳劍首功名但一吹

次韻寄史彥明

等閒看盡弁衡毗旁郡聊頒奉檄馳候管乍披新定志
郵筒忽見故人詩君方清絕行明鏡我正摧頽據槁枝
爲喜綵衣還膝下椒拌趁得頌花時

荅朱薌林見寄

天目羣仙帝所毗，別來引領但神馳。
分明和自香山老，活脫吟成玉局詩。
論舊驚心幾甲子，扶羸笑覓一筇枝。
如公再合幡然起，休戀春山笋蕨肥。

次韻李侯喜雨

誰似當年召信臣，天教來此活疲民。
水鄉怕旱相傳古，甘澍隨車總是春。
坐看豐登成樂歲，只將愷悌對神明。
已聞宣布形歌詠，賓主殷勤用意新。

謝李侯枉過

鳴騶窮巷忽相過，其柰將迎窘步何。
每望故都身不羽，欲賡新句硯空磨。
籃輿端復爲公出，泥飲惟應說尹多。

卻是旁觀工指點若爲公錦雜漁簑

長兒授館于杭每休暇過仲實家相與譚經析
理閒則飲酒賦詩爲樂今閏秋十四日會於
復軒相視而笑曰好天涼月卽中秋況今歲
兩中秋乎迺留飲劇論夜參半蟬聯不休情
愈神穆予聞之甚喜因爲詩寄之

共飲方酣月滿樓劇談無寐露侵裘此宵此景應難值
吾壻吾兒亦罕儔情誼渾如同一姓風流不負兩中秋
絕憐老子婆娑甚破戒何當太白浮

和陳無逸木樨

秋旻金氣正高張併作西風一夜涼何處杯中无白墮

如今扇底有黃香自慙老桺如犀禿卻笑春花爲蝶狂
勝賞清吟兩奇絕吳山橫過卽仙鄉

和仲實秋興

金飈吹暑頓然清聞早空庭一葉驚挂頰偏宜對朝爽
揮毫正好賦秋聲鏡中髯短休煩鑷壁上弦開不受檠
志士由來多慷慨何如百轉聽鶯鳴

黃元靜飲客蒲蓮海中殊勝絕

扁舟經入夫渠國一笑俱非襜襖人低拂柳陰偏障暑
活烹芡觥快嘗新小巾脫去我先醉大杓取來渠更真
獨嚼數觥詩興發羨君越樣老精神

次姚子敬韻簡高司丞

西風小立對晴川
冷笑人間自聖顛
使事端因荔枝出
歸期休在菊花前
平生漫說少陵老
終日誰陪上界仙
應是社中鷗與鷺
詩情比舊更依然

王梅泉生日惠詩次韻答之

堪笑衰翁作計狂
又隨笊簞到魚梁
未秋早覺凋蒲柳
已老安能種豫章
誰似讀騷仍飲酒
有時贊易自焚香
梅邊有約君應記
但愧年來久覆觴

白賁

致飾雖云賁則亨
含章內照乃爲真
離明外附天光發
艮止中存道體純
玉質未凋虹貫日
素功後繪物生春
也應笑我元猶白
不比羔羊正直人

次韻

大海相環宛一洲浮漚乍起已千秋三王笑向人間世
四癸時尋物外遊我輩安能知許事平生未若樂斯邱
開窗翠竹時相對更說緒餘總繆悠

送程晉輔長和靖

傳家氣脈固深長挾策來登和靖堂南渡金聲元不泯
西菴草色可能荒要知持守爲涵養好把精微重發揚
共喜慈闈得甘旨他時遠到未渠央

趙君實宣慰別三十五年矣未由再晤近張倩
仲實轉似西湖詩圖乃知吟嘯湖山之樂輒
爲五詩奉柬

南屏環擁翠雲堆誰遣精廬特地開祭酒先生甘隱遯
燃藜太乙忽飛來胸中礪傀五千卷門外芙蓉十萬栽
白日竟拋妻子去羣仙攜手上瑤臺

右南屏書院

橘園亭畔市多塵麴院橋邊境轉清山色湖光精舍敞
筆牀茶竈釣船輕奈何一字不堪煮且與三賢相並行
笑問壽藏何早計不妨更學趙臺卿

右西湖書院

毅齋大老除新綬名節尤偏毋所尊曾是臚傳第一唱
卻留衣付外諸孫袍接柳汁初承渥稱泛霞觴共拜恩
尙記吾家多夙契何當握手得重論

右鄭夫人傳

伯子堯夫豪傑人四時佳致四時春靜能觀動一機活
會復承元千古淳造物生生還化化世情故故又新新

不妨長向亭中醉自覺沖融氣味真 右四時春

平生知己一李及別後長關白板扉偶有客來孤鶴起
也無人覺小舟歸儘渠俗子頻相惱只恐仙禽未肯飛
莫笑爨琴并煮鶴醉眠林下兩忘機 右小舟歸

孤鴈

如何苦作斷腸聲度盡關山失弟兄萬里它鄉誰是伴
單栖半夜若爲情嚶嚶每歎眾人薄落落孤將一意行
只恐影沈湘水後更無來者繼高名

贈陳東洲

散髮披襟頗自由野麋見客忽驚投新詩生怕將愁至
博學何妨與熟遊未說天邊金彈子試尋城外土饅頭

不然且學伯倫醉荷插相隨死便休

詩留險題陸起潛皆山樓

醉翁朝暮四時景誰遣描摹入此圖喚作皆山真箇是
攜來到處與之俱也曾佳客相陪否亦有清泉可釀無
更喜一般僧侶舊高樓百尺俯塵區

送屠存博教授溧水

直道方心古所難任渠俗眼笑儒冠子龍有屋猶黃壤
老鄭无氈漫冷官一片湖光清客緒三州鼎足屹詩壇
只應翠麓迎人意歲月功名正好看

送鄣南俞教諭歸里

試把溪堂舊譜看三年苜蓿守酸寒吟肩祇自初來瘦

鳬尾方知細滿難憂患可能期學力功名終不誤儒冠
到家莫作多時住趁取秋風送羽翰

五言絕句

賈節菴冒畏景越修塗過我茗雪情誼甚厚令
聞古或無思大節不可復見而骨肉消息訪
問難真相對殆感慨不能爲懷青鐙夜語誦
少陵夜闌更秉燭相對如夢寐之句意甚惘
然其歸也兒曹以此爲韻賦詩道別余亦作
焉衰老拙惡姑寫我懷且以卜後期云爾
君留劍水潯我臥弁峯下十書九不到思君無日夜
一朝忽在眼喜極生悲酸老淚如撒菽淚盡氣亦闌

事故不可料柯爛基局更兩家骨肉內往往隔死生
英英君令弟介烈夙所秉就死得處所我意復何恨
吾女去二穉何處吞聲哭忠孝果何辜神理諒未燭
君能爲置後此意不可忘嶢嶢峙頭骨正好玉其相
自言勤教督鐙火與之對泉明定不孤門戶期汝大
我爲飢寒困坐遣恩義疏君固不忘我我愧當何如
連宵接輒語共說夢中夢聚行共未多掃驂忽已動
貧賤別尤苦輾轉那得寐後會儻可期握手三致意

拂林天馬圖

赤手謝銜轡跼蹴翻九衢健哉此女子果勝大丈夫

和漁具十絕

買得五瀉舟江湖落我手呼兒下瀨去此事渠能了

右舟

臥吹月明裏龍吟鼉打鼓別是一家風荻花擺頭舞

右笛

披時響蕭騷臥處堆偈仄傲然煙雨中安有知昨澤

右簾

輕圓兀其顛不受暑雨厄時將蓬外挂旋轉卷七澤

右笠

裊裊不自持何以制沈寤聊懸一魴餌鯨鱣未可狎

右竿

彼已苦其密此猶患其疏歡吹試新圖一舉雙白魚